

CENTRALNA BANKA
BOSNE I HERCEGOVINE

Broj: UV-150- 01-1 - 2071-6 /20 MM
Sarajevo, 05.11. 2020. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, Upravno vijeće Centralne banke Bosne i Hercegovine na 14. sjednici od 28.10.2020. godine, donosi

O D L U K U

o izboru najpovoljnijeg ponuđača u postupku javne nabavke robe – desktop računari – lot 1

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – desktop računari – lot 1, putem otvorenog postupka, dodjeljuje ponuđaču Printex d.o.o. Sarajevo, u svemu prema ponudi broj: 98/20 od 25.09.2020. godine.

Član 2.

Ponuda ponuđača iz člana 1. ove Odluke, nakon održane e-aukcije, iznosi:

111.000,00 KM bez uračunatog PDV-a
(slovima: stotinujedanaesthiljada konvertibilnih maraka i 00/100)

odnosno

129.870,00 KM s uračunatim PDV-om
(slovima: stotinu dvadesetdevethiljada osamstotina sedamdeset konvertibilnih maraka i 00/100)

Član 3.

Centralna banka će, po sticanju uslova za zaključenje ugovora u skladu sa Zakonom o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine.

Član 4.

Centralna banka će o rezultatima provedenog postupka javne nabavke obavijestiti ponuđače koji su učestvovali u postupku javne nabavke.

Član 5.

Za realizaciju ove odluke zadužuju se Odjeljenje za informacione tehnologije Centralnog ureda Centralne banke Bosne i Hercegovine, Odjeljenje za javne nabavke Centralnog ureda Centralne banke

Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama ("Službeni glasnik BiH", broj 39/14).

O b r a z l o ž e n j e

Postupak javne nabavke roba – desktop i laptop računari, putem otvorenog postupka, pokrenut je Odlukom o pokretanju postupka, broj: 150-15-4-886-2/20 SAK od 09.03.2020. godine. Ukupna procijenjena vrijednost nabavke je 200.854,00 KM bez PDV-a, a postupak nabavke je podijeljen po lotovima kako slijedi:

- a) lot 1 – desktop računari, procijenjene vrijednosti u iznosu od 183.760,00 KM,
- b) lot 2 – laptop računari, procijenjene vrijednosti u iznosu od 17.094,00 KM.

U skladu s navedenim, Centralna banka je 12.08.2020. godine na portalu Javnih nabavki objavila Obavještenje o nabavci broj: 1370-1-1-328-3-226/20 i Ispravku za obavještenje o nabavci broj: 1370-1-1-328-8-250/20.

U roku određenom za prijem ponuda, odnosno do 25.09.2020. godine do 10.00 sati, za lot 1, blagovremeno je dostavljeno pet ponuda sljedećih ponuđača:

- Digitarija d.o.o., Sarajevo
- R&S d.o.o., Vogošća,
- Time Code d.o.o., Sarajevo,
- Printex d.o.o., Sarajevo
- EMADO d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu dostavljenih ponuda, te zaključila da sljedeće ponude ne ispunjavaju uslove utvrđene u tenderskoj dokumentaciji i da su iste neprihvatljive:

- Ponuda ponuđača **DIGITARIJA d.o.o. Sarajevo** je neprihvatljiva jer je ponuđač dostavio ponudu u kojoj nudi neadekvatan računar s pogrešnim tipom SSD diska. Naime, tehničkom specifikacijom i komparativnom tabelom je traženo sljedeće: "*Ne manji od: 256Gb SSD M.2 PCIe, Opal TLC*" a ponuđač u svojoj ponudi nudi disk bez Opal TLC tehnologije. Takođe, ponuđač u svojoj ponudi nije dostavio prevod tehničke specifikacije i sertifikata s engleskog jezika na jedan od zvaničnih jezika u BiH. Naime, u tenderskoj dokumentaciji Odjeljak D – PODACI O PONUDI, tačkom 9. Jezik i pismo ponude je propisano sljedeće: „*Ponuda se dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.*“
- Ponuda ponuđača **Time Code d.o.o. Sarajevo** je neprihvatljiva jer je ponuđač dostavio ponudu u kojoj nudi neadekvatan računar s pogrešnim tipom procesora i pogrešan tip SSD diska. Naime, tehničkom specifikacijom i komparativnom tabelom je traženo sljedeće: „ *Ne manji*

od: 256Gb SSD M.2 PCIe, Opal TLC”, a ponuđač u svojoj ponudi nudi disk bez Opal TLC tehnologije.

Komisija je nakon pregleda i ocjene ponuda utvrdila da sljedeće ponude ispunjavaju sve uslove iz tenderske dokumentacije i da su iste prihvatljive:

- Ponuda ponuđača R&S d.o.o., Vogošća,
- Ponuda ponuđača Printex d.o.o., Sarajevo
- Ponuda ponuđača EMADO d.o.o. Sarajevo

S navedena tri ponuđača je zakazana e-aukcija za dan 02.10.2020. godine sa početkom u 11.15 sati. Po završetku e-aukcije prvorangirana ponuda je ponuda ponuđača Printex d.o.o. Sarajevo.

Shodno naprijed navedenom, a u skladu s kriterijem najniža cijena, Komisija je u svom Zapisniku o pregledu i ocjeni ponuda broj: 149-15-4-1776-18/20 od 05.10.2020. godine i Izvještaju o radu Komisije s Preporukom broj: 149-15-4-1776-19/20 od 05.10.2020. godine, dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

**Predsjedavajući
Upravnog vijeća Centralne banke
Bosne i Hercegovine**

GUVERNER
dr. Senad Softić



Dostaviti:

- guverneru
- viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za informacione tehnologije
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)